

廣東攷古輯要卷八

山川

廉州府

還珠嶺 合浦縣城東北舊有還珠亭故名

東山嶺 縣東十里昔人題為海角第一峰

黃姜嶺 縣東高五十餘丈漢董賢父恭徙合浦葬嶺下今人

呼董恭嶺

白石山 縣東北山石皆白東坡云青水南白石北此地崔峩

人不識即此

冠頭嶺 縣南形勢窮隆潮長撼石如雷相傳交趾黎王葬此

交趾人每年望海祭之

大廉山 縣東北東漢費貽為合浦太守有廉聲去日百姓追

廣東攷古輯要

卷八

山川

送至此遂以名山山上有大廉洞元和志唐置廉州取大廉洞為名

蔡龍洞 縣東北輿地紀勝唐置蔡龍縣因蔡龍洞為名

夫人山 縣東一名賓山又名殯山寰宇記云廉州有殯山即

宋陳伯紹殯妻處

姜山 縣東北唐姜神翊曾家於此故名

糠頭山 縣西北尉佗駐軍處居人舂穀積糠成山山若鳴則

風颺立至見寰宇記一名狼頭又名軍頭山

百良山 縣東輿地紀勝云山自北州來林水深廣工匠求良

材百不失一

五黃山 縣西北高五百餘丈綿亘數十里相傳昔有樵者迷

路遇五人黃冠朱顏指示得歸因名俗呼為五皇嶺上有五

皇廟白鶴觀

廉江 縣北卽合浦江明鏡秉鑑詩云長江來浩浩何事得廉名自是源常潔因之流亦清浪浪浮雲影動波靜月華明寄語滄浪客於茲好濯纓一名晏江

金雞水 縣東昔有金雞浴於水旁故名

南北湖 縣東北相傳馬援曾鑄銅船於此交州記云每陰雨輒見銅船出水

雁湖 縣西北每秋冬有雙雁游其間因名見輿地紀勝

張沐溪 縣東北輿地紀勝昔有隱士張沐居此因名

鐘灣 在縣南七里有灣接江通海宋政和間靈覺寺鐘一夕飛去旣明懸空而下鐘猶溼人言灣中每夜有鐘聲謂必與龍戰寺僧鑿去頂上龍角乃止至今灣中風起有物大如車

廣東攷古輯要

卷八

山川

二

輪藍色湧出波心

潤洲 縣城南一名圍州交州記云合浦有圍洲周圍百里其地產珠

珠池 縣東南八十里海中卽珠母海舊唐書地理志廉州合浦縣有珠母海郡人採珠之所宋蔡條鐵圍山叢談云合浦珠池大抵皆居海中珠母者蚌也採珠必蛭丁皆居海艇以大舶環池以石懸大繩別以小繩繫諸蛭腰沒水氣迫則撼繩繩動舶人覺乃絞取人緣大繩而上

六峰山 靈山縣城西其峰有六高聳如雲明林桂張岳林有聲有詩

三海巖 縣西一曰月巖一曰龜巖一曰錢巖其巖純石而內虛高曠如堂堂石乳下垂欲滴又如纓絡之狀宋陶弼有序

朋張岳林長存有詩

穿鏡巖 與三海巖相接翠屏聳立中通一竅恍如穿鏡

射鶴嶺 縣東南相傳昔有人於此射鶴隨爲神故名

林冶山 縣西南輿地紀勝古金坑之所前輩詩云天涯亭下有龍窟林冶山頭出碎金

狼濟山 縣西南上有石室石門石橋外有兩石人夾峙名狼濟石唐甯悌原諱書於此

西靈山 縣北一名豐子嶺接元和志豐子嶺在欽江縣北又曰貞觀十年移南賓縣於峯子嶺下卽豐子嶺也九域志靈山縣有豐子嶺輿地紀勝峯子嶺爲縣主山又曰西靈山在欽州西北一百餘里貞觀十年移靈山縣治此是西靈卽峯子也明統志西靈山在縣西一百餘里峯子嶺在縣東北二

廣東攷古輯要

卷八

山川

三

十五里分爲二山誤

紫水 縣南城外有井出紫水云科第之兆明萬厯間填塞建儒學於其上

仙人井 縣北大東山巔四季不涸味極香冽

雷州府

英榜山 海康縣城西原名英山梁開平間都知兵馬陳襄駐師於此出榜示民因加榜字

討泗山 縣西北昔有苻氏名討泗獨居此山故名山多竹木之利

擎雷山 在城南八里雷震破成水見寰宇記

烏蛇山 城北寰宇記山出烏藥里人呼藥爲蛇故名

英高山 城南兩峯高峭相並而立頂有石穴湧泉

思靈島 城東十里海中寰宇記云有木豆葉如柳花如金豆  
一年種數年收淮南子豆之美者有木豆是也

擎雷水 縣南寰宇記梁時移州於擎雷江源卽此

羅湖 縣西湖之先爲甯托二村有白牛至宰而食之村陷爲  
湖惟老嫗不食存焉因名陷湖湖深無底大旱不涸淋雨彌  
月亦不溢相傳有欲開此水以灌田者鑿渠及水越宿而水  
下尺許人以爲奇今名西湖

卵洲 城西南海中舊經云群鳥伏卵於上或船過取其卵有  
鳥千萬飛隨十里

瑞星池 縣南卽寇萊公之故居宋天聖中有星隕於此池因  
名明成化間知府魏翰鑿池於寇池西亦曰瑞臺

樓前井 城內蘇頲濱舊祠側宋時濬蘇舊寓此有讀書樓人

廣東攷古輯要

卷八

山川

四

多慕而汲之

萊公井 縣城外西館內相傳寇萊公所飲元祐間重浚扁曰  
萊泉案輿地紀勝有相公泉引李師中詩云海畔忠魂不可  
招周公辛苦賦鷓鴣此泉不竭名長在千朝君臣鑒本朝疑  
卽萊公井也

甯海井 縣城南唐上元間浚又有神石井在縣城西宋郡守  
戴之邵品水以神石爲第一甯海次之

七星嶺 遂溪縣南高十餘丈嶺上又起小峯拱列形如北斗  
蘇東坡過此書其石曰七星拱秀

射馬嶺 縣東北相傳元平章阿爾哈雅提兵過嶺試馬射箭  
於此

湖光巖 縣東南初名陷湖宋靖康中有僧琮師居焉建炎三

年李忠定公綱來雷止其地手題湖光巖二大字勒之於石巖以是得名

七星巖 在湖光巖之南巖上有石洞宋進士紀應炎讀書處名曰樂懶巖

英靈岡 縣南陳時陳琪織獲一卵一日雷震得一男養爲子名文玉後爲雷神頗著靈異因名

清涼洞 縣東南俗名仙人洞中有丹竈禪牀或云仙人嘗煉丹於此

瀾洲山 縣西南海中周七十餘里舊名大蓬萊內有八村其民專以採藥爲業

武樂水 縣西南相傳伏波常駐師於溪北岸

鐵杷溪 縣東南寰宇記溪有石似鐵杷因名隋開皇十年於

廣東攷古輯要

卷八

山川

五

東岸建鐵杷縣

珠池 在縣西南樂民所西海中亦名樂民池自劉鋹置媚川都宋開寶以還遂置場司或採或罷明洪武二十九年詔採未有專官正統初始命內官傍池建厰專守防盜成化中遷厰郡城大爲民害正德九年以無珠罷採其後御史陳寶奏革雷池太監嘉靖八年復採都御史林富奏止之

小遂山 徐聞縣南有海嶼曰三墩中墩有古樹甚怪下有龍王廟廟前有井名龍泉祈雨者於鹹水中取得淡水則雨立至

佛屠嶺 縣東北山頂圓平俗以爲摩尼佛首故名

兜鑿嶺 縣東北亦名那迢嶺明嘉靖四年有鳳來於此旬餘乃去適丞林應驄記其事

乞雨嶺 縣北頂有二古塚相傳有十二牧童共養一豕遇天旱鄉人求雨童亦於嶺上殺豕祀神雨大作及晴童不知所之鄉人招魂瘞之每旱祭其塚輒應

石馬井 縣東相傳昔有馬常夜食人豕爲人追急入此井只留石形似馬故名

瓊州府

雁塔峯 瓊山縣城南尖秀如筆水環其下宋郡人姜唐佐始登第因名元至正間築雁塔亭於上明萬曆時鑿三元碑於中峰故又名雁塔三元峯

龍文山 在府治後明知府林有祿培築

潭龍嶺 在城東北下有泉分兩臂並趨西南一泉中湧名曰卓錫相傳宋僧和靖卓錫於此蘇軾有詩

廣東攷古輯要

卷八

山川

六

鋪錦巖 城南元蔡貞女死節於此又名鋪錦谷

西石山 城西一名馬鞍山上多石下有洞可容數百人泉出清冽古傳有鼎石丹爐在挺峯之下西隅石基乃鄉人祈雨之所

扶山 縣東南山左有五嶺遞相擁護故名扶昔有陶公開之故又名陶公山道書以爲第二十四福地

瓊山 城南圖經云瓊之取義蓋瓊山縣奉化鄉有瓊山白玉二村土石皆白似玉而潤種積其上特美所產檳榔尤佳其石如瓊瑤耳見輿地紀勝明邱濬有詩

雲露山 縣西南輿地紀勝中有三潭上潭林木陰森人不敢近其次二潭有小石如橄欖有竅可穿俗名橄欖珠歲旱禱雨多應

那射山 縣東南輿地紀勝云其人以射獵爲生山下有息石  
初甚小歲久漸大鄉人祀以爲神

東湖 縣東昔有巨室居此一夕陷爲湖

西湖 城西有玉龍泉出自石竇寒冽甘潔滙而爲湖一名頓  
崖潭

神應港 縣北輿地紀勝云瓊州白沙津番舶所聚之地其港  
自南岸屈曲不通大舟而大舟泊海岸又多風濤之虞王師  
光祖欲直開一港以便商旅忽颶風作自衝一港尤徑於所  
開遂名神應時清熙戊申也

雙泉 城外東北隅昔東坡寓此鑿兩井號雙泉上有亭名洞  
酌東坡有洞酌亭詩紹興間李光瓊州安置居此九年再貶  
昌化軍有詩曰曾是雙泉舊主人

廣東攷古輯要

卷八

山川

七

惠通泉 縣東三山菴下宋蘇軾經此飲之味類惠山因名之  
曰惠通軾有記今又名東坡井

清惠泉 縣北卽舊蓮塘井味甘冽明郡守倪凍所鑿建亭曰  
清惠故以名泉

仙井 縣東石巖中深丈許四時常盈中有平石左刻貞元二  
年右刻熙寧甲寅數字有詩蒙晦

蓮塘井 在城西南輿地紀勝郡城百里絕無水惟烈村有石  
井諸村三五十里盡飲焉每以葫蘆負水歸其人經月不盥  
洗每取草上露濡手拭面而已遇雨則檳榔樹下瀉水甕中  
雖久不壞

蓮山 縣東寰宇記隋澄邁縣以界內蓮山爲名  
獨株山 縣東突起一峯若樹枝然明姚履素有詩

方勝嶺 縣西漢伏波將軍屯兵於此征蠻得勝故名

萬崑岡 縣西頂有怪石形如列屏號為聖石將雨則雲霧瀟

塞下有清泉

雲賓谷 縣西山腴地幽泉甘木茂昔有處士吳濬隱此又名

迎賓谷

合嶺 縣東南明唐綰詩山勢來相合周圍枕碧灣瓊澄分兩

界天地設重關

北畔嶺 縣西南明時嘗議遷縣治於此

白石嶺 縣西南上產白石故名頂有深潭泉自石峯而下久

旱石黑必雨宋白玉蟾有遊白石嶺歌

澄江 縣南其水澄澈隋以名縣

博龍潭 縣南相傳明景泰天順間有龍起此水

廣東攷古輯要

卷八

山川

鯉魚潭 縣南山穴湧泉瀦為一潭中有異魚如鯉取而烹之

化為水

神頭泉 縣南舊傳有婦人騎馬至此地塌泉出今馬跡猶存

俗呼馬蹄井

金雞嶺 定安縣西昔傳夜見金雞光彩燭天

黎母山 縣南思河生黎峒中劉詎平黎記云天將雨則祥光

夜見望氣者謂南極星降此山又云婺女星現化下此山因

黎婺訛為黎母又云故老相傳雷攝一蛇卵在此山中生一

斐號為黎母食山果為糧巢林木為居歲久交趾蠻過海採

香與之結婚子孫眾多方開山種糧圖經云島山四州以黎

母山為主山特高每日辰已後雲收霧斂則一峯插天至申

酉間復蔽不見所謂南極星芒所降之地也一名光螺嶺又



名五指山明湯顯祖邱濬王宏誨郭正域有詩

橋頭溪 縣西南明王宏誨詩云清溪如帶繞邨麓溪上橫橋

漱寒玉三三五五往來通家在武陵絕塵俗

蓮井 城東門外味甘冽暑冷寒溫雖旱不涸

蓮豆山 文昌縣南舊傳有一香爐飛來歲久榕根纏裹鄉人

祀之爲神

銅鼓山 縣東古傳諸獠鑄銅爲鼓懸之置酒以招同類仇殺

相攻則擊鼓集衆後人於此掘得故以名山一說鼓爲伏波

征交趾鑄

湄邱 縣東北宋知軍邢夢璜世居於此

東徯山 縣東輿地紀勝云其鄉之民如猿狔然徯婦紡績吉

貝布縷細密瑩白謂之布籠

廣東攷古輯要

卷八

山川

九

焚艘山 縣西北平黎記云漢武發兵到雷州海岸造樓船渡

兵過海上岸黎人不出亦無兵糧李將軍於瓊州海岸焚舟

而回今號爲焚艘一說漢樓船將軍楊僕征黎至此焚船登

岸

七星山 縣東海濱狀如七星連珠明天啟時建塔其上其東

有泉七孔晝夜混混不涸

石鼓井 縣北有六石環起田中宛若破成徑六尺許狀如鼓

其土黑有泉湧出清淺可掬夏冷冬溫大旱不竭

南塘山 會同縣南拱向文廟明時改曰玉几案

何魯嶺 縣東突起高峯東有石巖登之可望滄海名曰山海

奇觀洞

多異嶺 縣東數山相連中多怪石上有井禱雨輒應

天塘水 縣南源出黎山分流瀦爲巨塘水旱不竭中產蓮  
陰陽山 樂會縣即今縣治平坡突起周七里山形奇偶相生  
土木相半萬全流馬兩水環抱

印山 縣西北水漲若浮印然一名應山

聖石峯 在博敖港屹峙港門相傳古時海濤洶湧沙磧逼隘  
或南或北迄無定所海舟常有覆溺之患宋天聖中其石突  
見故名

西偏嶺 縣西北有龍見石狀如龍首山脊半里皆黑石峻嶒  
疊出若龍鱗然

風門嶺 縣西南跨萬州界山勢峻峭兩旁石壁如門諸黎出  
入咽喉之地上有瀑布懸流

萬泉河 縣西北以其納文昌會同眾水之流故名昔人曾此  
飲馬亦名飲馬河

毘耶山 臨高縣西北寰宇記毘耶山頂有蟲似伏蛇俚人以  
蟲爲毘耶輿地紀勝縣北有毘耶山神每黎人叛則神驅蜂  
以禦之官軍大破黎人

那盆嶺 縣南平地突起一峯高聳而圓狀如覆盆下有買愁  
村宋胡銓謫崖過此有詩云北往常思聞喜縣南來怕入買  
愁村

灘神祠 縣東南江中聳一巨石高廣二丈旁有穴昔人於此  
砌壇祈禱久旱灘響必雨久雨灘響必晴

龍潭 縣西相傳昔有白龍出其中宋於潭側立壇祈雨元范  
梈撰碑

霖泉 縣南泉自石孔湧出常有海蚌上浮鄉人樹木立石爲

禱雨之處

澹菴泉 縣西宋胡銓南謫時常飲此泉味甘美里人因取其號立石書澹菴泉三字

那泥井 縣西宋慶元丙辰大旱諸水皆涸有僧和靖指此地鑿之得泉久旱不竭

螞蝗山 [儋州]州東平岡蜿蜒形如螞蝗俗傳漢時曾屯兵於此後人每掘得銅鉏刁斗之屬地多鬼火陰晴出没蓋古戰場也

凌霄山 州北峯頂圓聳下垂八足形如鱗魚土石五色舊多松樹上有博望臺下有石巖宋高僧和靖仙人白玉蟾俱修煉於此蘇軾有詩

龍門嶺 州西北海岸特起石峯兩趾奔海其狀肖門可泊舟

廣東攷古輯要

卷八

山川

十一

上有石穴中虛通海透風名曰風門相傳昔有蛇潛其間化為龍又名蛇虺穴

輔龍山 城東北舊馬鞍山宋趙鼎南遷經此稱為松林之輔山故名俗呼挹社嶺

天角潭 州東水深山峻明成化間有龍起此

乳泉 在城東南朝天宮宋蘇軾有賦

相泉 州西宋丞相趙鼎謫儋州過此盛暑渴甚鑿井得泉後知軍方汝運作亭於上曰明秀

滔泂井 城西寰宇記云井與淪水通有人以竹置井中於淪水得之俚人呼竹為滔泂故名

峻靈山 [昌化]縣西北本名明山一名神山上有二石形如人帽古傳云有兄弟向海捕魚化為石號兄弟石側有橋柚甘

香云不可携去携去即黑霧暴風駭人池中魚亦然宋蘇軾碑記云五代時有望氣者言山有寶氣番人臆舟其下斲山求之夜半大風浪駕其舟空中碎之石峰之上人皆溺死今碇石猶存元豐五年詔封山神爲峻靈王

馬嶺 縣南三峰連聳延亘海濱形如天馬上有石鼓

象石 縣東南石如牛形鷹嘴象鼻擊之有聲如磬

棋子灣 在峻靈山側石如棋子人取之不得選擇取畢視之

黑白相均灣上有淡泉自沙中湧出海舟常泊汲之

東山 萬州城東山周六里餘中有石澗兩旁壁立入處僅容

一人山門刻珠崖第一仙五字外有盤石周數十丈名補天

石內有大巫峽小巫峽渡仙橋諸勝

雙華山 州西兩峰互峙高入雲表舊名馬鞍山相傳山上有

廣東攷古輯要

卷八

山川

十二

彩雲見則州出貴故改今名

金牛嶺 州東北昔傳有金牛夜放光舟人望見之知爲寶氣

掘不獲

赤隴山 州東南其土赤色岡隴相連故名

金仙河 在州北河畔有石盆上有馬蹄人跡葫蘆痕相傳交

趾道士煉丹於此

有木泉 在城十二里東山石壁元御史印世傑題曰有木泉

聲山 陵水縣東北寰宇記陵水縣有聲山常有聲如人言

多雲嶺 縣南峻拔巢雲禱雨多應一名靈山

小五指山 縣西脈自五指山至此挺立數峯黎人環居其下

下有温郎嶺二峒明嘉靖中征黎常分奇兵出此

龍潭 縣北大河小河之間舊傳有龍起故名

桐樓港 縣西一名鹹水港又名南山港明萬曆十七年海寇

李茂黨掠陵水由此港入兵備孫秉陽破之

鼇山 崖州州西南舊名南山元王上熙常遊此以其枕海更  
今名上小石邊一穴出泉曰萬仞泉清冷可愛

逸賢洞 州西北宋胡澹菴以其多水竹取竹溪六逸竹林七

賢之義作詩曰溪邊六逸李太白林下七賢山巨源

石盤 去城十三里面平如掌周圍數丈可坐十客林木茂密

傍有澗水秋夏不竭清冷甘冽可濯可飲周使君嘗至其處

愛其清絕伐木誅茅結亭石盤之北曰清賞見地輿紀勝

石版山 州東南旁有橫石其平如版宋時知軍事周曠結屋

其上

釣臺山 州南山有巨石高二丈餘宋知軍毛奎題小洞天三

廣東攷古輯要

卷八

山川

十三

字刻石上南有石臨海題曰釣臺又入數步名大洞天題曰

海山寺觀旁有石梯題曰仙梯

玳瑁欄 州東南海邊有巨石數十丈如屋宋陳明甫鑿石爲

欄以養玳瑁

落筆峯 州東石峰獨聳高數十丈中有石洞俗傳有僧於此

坐化又有懸石擊之如磬

迴風嶺 州東北以颶風不過此嶺而名下有溫水池唐李德

裕明張習有詩

鹿迴頭山 州東上有連珠寨宋時臨川土賊陳明甫據此

石龜 州北石如龜長一尋濶二丈有半旱蝗則禱之立應

臨川水 在縣東廢臨川縣以此水名源出黎山分爲兩派前

後夾流後水產石蟹漁人採之初軟出水堅硬如石前水產

九龍山 感恩縣西北西枕海濱漢初九龍縣置此

息風山 在城二十五里中有巨穴深百尺許黑暗莫測每颶風作黎人禱之即止

黎虞山 縣東黎人常虞獵於此故名見宋祝穆方輿勝覽

感勞山 縣東北下有平坡宋時大兵平黎駐此秋毫無犯士人感其德而勞之因名

小黎母山 縣東即莪茶嶺脈自黎母山來危峯聳起崖石峭嶇羣黎環居其下有巨石刻大元軍馬下營

虞山石鼓 縣東北古鎮州廢城之東河中鼓圓六尺以小石擊之聲如空甕傍五大石有異人跡及馬蹄痕頂刻大元軍馬到此

廣東攷古輯要 卷八

山川

十四

感恩浦 縣東北隋書地理志感恩縣取感恩水為名

溫泉 縣北夏寒冬温有瘋疥瘡氣浴之即愈其東即宋時鎮州地今為黎人雜處旁有石城遺址

佛岡廳

大廟峽 在廳西南吉河口峽中水勢湍激舟過必禱

羊角嶺 廳東南中有尖峯特聳諸峯環抱象如羊角故名

觀音山 廳北周袤百里峯巒叠秀石室虛敞中有天成佛像

南澳廳

雲蓋山 城西南上有雲蓋寺宋時建石上鐫紫花雲蓋四字士人妄傳其中有玉因碎其石

深澳 城北內寬外險一門通舟中容千艘前明寇舟多泊於此嘉靖末有建議填其門者費帑萬金卒無成功後用木石

填塞澳口令民內徙而虛其地未幾倭人用善水者撈取木石澳口復通

錢澳 在城西隆澳一名錢灣昔時沙中嘗有金銀故名宋張世傑兵敗於錢灣卽此

後澤澳 在城西隆澳明賊首許朝光築寨於此今廢

辭郎洲 在隆澳五嶼之北宋景炎元年帝舟遷於潮州駐蹕紅螺山明年正月遷於惠州甲子門都統張達率義勇扈從其妻陳璧娘送之至此或作侍郎嶼云陸忠正秀夫調潮時其子繇好漁獵被逐遂家於此以忠正曾爲禮部侍郎故名今按陸於度宗甲戌參議准東制置司事恭帝乙亥爲宗正少卿丙子五月端宗卽位直學士院罷居潮州乃直學士院時未聞爲禮部侍郎也是其說固未可爲據矣

廣東攷古輯要

卷八

山川

十五

打石坑泉 在深澳水清味甘經月不變居人汲以釀酒

井子澳古井 在隆澳水味甘冽卽井澳宋史建炎十二年丙申帝至井澳卽此

陽江廳

鳳凰山 廳東北一名北甘山倦游錄云北甘山壁立千仞有瀑水飛下猿狖不能至鳳凰巢其上彼人呼爲鳳凰山所食亦虫魚遇大風雨或飄墮其雛小者如鶴而足差短南人截取其背謂之鳳凰杯古書謂鳳凰住於丹穴丹穴卽南方也銀坑山 廳南有十八井相傳宋南恩州知州余久大鼓冶於此

羅琴山 廳西昔羅含堂携琴游此故名山頂有石如棋盤云仙人嘗棋於此元琥路珣詩云二尺絛桐月下彈一聲清響

落空山仙翁自笑知音少兩袖天風跨鶴還

馬衙山 廳東北其東南有金花嶺自嶺攀路而上十里至山頂有巨石如砥可容數十人泉中石罅如馬受勒山因以名丞相嶺 廳西南相傳宋丞相留正紹興中嘗爲陽江縣尉故名

非山 城北頂有石如掌名仙人石四旁大石多宋元以來詩刻明嘉靖間知縣吳煥章刻小蓬萊三大字宋王亘詩有人問怪泉石嶺外好山川之句

海陵山 廳西南海中舊名羅洲一名羅州又名羅島寰宇記羅州在海口迴環三百里圖經云海中有魚形如鹿每五五日夜悉登岸化爲鹿小於山鹿乃百姓魚鹽之地其中峰爲草黃山東爲平章山卽張世傑葬處

廣東攷古輯要

卷八

山川

紫蘿山 廳東南一名瑞靈山又名烟蘿山唐時有紫光燭天都郡白其事敕置院開山開石龕得經一函題曰大佛名經有古碑存焉

斜嶺 廳東北蹊徑險惡明正德中御史高紹改營通道避險就夷人以爲便

平章港 廳西卽世傑覆舟處

風井 廳西北眾山之巔濶丈餘深不測大風則井內先鳴三日鳴止則風起

連山綏猺廳

天梯山 在城北高險無草木行者難若登天故名

鐘留山 城西北其狀如鐘舊縣治在此

花井 城北百里相傳南宋刺史鄧曾所鑿



連州

順山 在城東形如巾幘一名巾山亦名翠巾峰宋張栻明張  
暄有詩

北山 城東北怪石周遭其陽有燕臺亭亭之左有振鷺石右  
有卧龍石前有天池北去爲天慶觀天澤泉流杯亭流杯池  
君子池北山寺六鼇橋寒居洞諸勝

寶華山 在州東南常有雲霞起其上宋向宗道詩云松風山  
月送人歸幾處溪聲拂馬蹄殿角參差浦雲影回頭真似武  
陵迷

秀巖 州西北平地突兀形如員龜上有懸石如滴翠乳一名  
大雲巖宋張栻明張暄有詩

楞伽峽 州南古稱貞女峽或稱貞女山水經注云谿水下流  
廣東攷古輯要卷八

山川

十七

應峽南出是峽謂之貞女峽峽西高巖名貞女山山下有石  
如人形高七尺狀如女子吉來相傳有數女取螺於此遇風  
雨晝晦忽化爲石隋江總有賦宋葉適有鑿楞伽峽記唐韓  
愈宋張栻明張暄有詩

至峰 州西北眾山廻環儼然端立薄暮烟橫蒼翠襲人宋張  
栻明張暄有詩

昆湖山 州西一名天際嶺高千丈周百里下有二水夾山而  
流春夏暴漲滙聚成湖其間峭壁花岸森然羅列宋陶弼張  
栻明張暄有詩

同官峽 州南俗呼爲瞭紗峽轉一曲爲同官口口有洞曰冷  
然洞洞中若廣廈數間唐韓愈詩南方二月半春物亦已少  
維舟山水間晨坐聽百鳥宿雲尚含姿朝日忽升曉羈旅感

和鳴囚拘念輕矯潺潺淚久迸詰曲思增繞行久且無然蓋  
宿事乃了又再游詩今日是何朝天晴物色饒落英千尺墮  
遊絲百丈颺泄乳交巖脈懸流揭浪標無心思嶺北猿鳥莫  
相撩按昌黎集作同冠峽

靜福山 州東北寰宇記云梁有廖冲者家於此山先天二年  
飛昇刺史蔣防仰慕高風刻石爲碑宋張栻明張暄有詩

白鶴山 州西石壁卓立四面如掌相傳有陳真人煉丹於此  
後騎鶴上昇故名

牽船嶺 州南上有白石一雙鄉人呼爲雙女神見輿地紀勝  
鄧公山 州境昔太守鄧豹葬子於此

師德巖 州北內有石平者如牀垂者如鐘立者如牛羊明嘉  
靖間鑿取丹砂遂不如昔

廣東攷古輯要

卷八

山川

十八

鐘乳穴 在州境及陽山縣境杜佑通典連川有乳穴三十二  
陽山有乳穴十九

滙水 川西北一名桂水史記南越尉佗列傳元鼎五年秋衛  
尉路博德爲仗波將軍出桂陽下滙水卽此

雙溪水 州西南宋州守王大寶建雙溪閣於其上今廢宋張  
栻明張暄有詩

海陽湖 州東唐大厯初道州刺史元結至此修創林洞通小  
舟游泛杜杆詩云波心石船並中載白蓮馨見輿地紀勝劉  
禹錫游此有海陽十詠曰吏隱亭曰切雲亭曰英雲潭曰元  
覽亭曰裴溪曰飛練瀑曰蒙池曰琴絲瀑曰雙溪曰月窟也

龍潭 州西其左右皆石崖宋張栻明張暄有詩

濂泉 州東北順山下宋周敦頤爲提刑過此飲之刻濂泉之

源四字於石

潮泉 州南十五里輿地紀勝云泉從山出每二月以後至初秋則每日丑時水湧至申時止八月以後至初春從申時湧至丑時止

廟泉 在峽峰絕頂許懋有詩云千丈峽峰石淙鐘寒玉鳴見輿地紀勝

虎跑泉 州境舊經云唐末有僧行圓居此有虎跑地成泉又廖容詩云仙馭遺踪遠寒泉濺石清舊傳廖真人煉丹無水虎為跑泉又似指廖真人今附見焉

賢令山 陽山懸城北二里一名牧民山以唐韓愈得名上有朝陽洞遊息洞又有讀書巖巖邊有井極清冽明廊志立有詩

廣東攷古輯要

卷八

山川

十九

石崖山 縣北有石壁如屏宋紹興初縣令張本中刻聖傳頌於上

陽巖山 縣西輿地紀勝日出先照此山故名

石龍巖 縣南中有兩石龍怪石林立有唐宋詩刻於石

鐘鼓巖 縣西明黃廷才有詩

分水嶺 縣西有唐幕府將軍李玉珪墓明歐陽棣詩山自何年闢泉從此處流曉風雙鳥出夜月一猿愁

石鐘巖 縣西一名龍巖巖有數層深窅若堂室石乳中懸秉炬照之光耀人目石如龜蛇相錯有片石下垂扣之作鐘聲餘為石田丹竈石鼓明吳楚材有記

白石山 在縣西明黎貞有記

芙蓉山 縣北有石室可棲相傳宋顯祐張侯讀書處至今樵

清澗巖中有讀書聲

明月岡 縣南山有白石圓如白璧月夜有光按輿地紀勝有月窟廖知彰詩天匠矜功價不貲神機剗石漏春暉卽此三峽 縣東形勢窄狹重重裏束連陽之門戶也舟行最險春夏水漲舟人待之或經旬不能上下

大鯉峽 縣西一名大鯉峽明林華皖連峽行序云由三峽而上爲大鯉峽峽壁多雲水紋酷似大理石而畫屏天塹矣

龍宮灘 縣西唐韓愈詩浩浩復湯湯灘聲抑更揚奔流疑激電驚浪似浮霜

三門灘 縣城外東南三石如門雨後湟水建瓴而下瀆浪如雪明鄭梓有詩

雙女潭 縣南俗傳有二貞女溺此每晴久有雙鯉見則雨兩久見則晴上有瀑布

羅定州

石牛山 城南崔巍多石一石狀如牛故名相傳有仙人於山上對奕今棋局隱隱尙存

尖岡 城南有巨石崔巍險固可容數百人居民有警嘗登石避之名曰防虞石

鷺抱石 城東南昔傳有仙人籠鷺求宿娼家有說客善鷄鳴者客聞遽取擔挑鷺去擔折遂坐於石忽不見而鷺亦化爲石今所坐石上足跡宛然

洞清巖 城東岩深十丈相傳昔有岑洞清隱化於此故名寶峯巖 城南昔曾有石乳滴成布袋和尚像後人置佛像其

間爲鄉人禱雨之所

瀧水 城西南石峻陡險故謂之瀧舊瀧水縣以此得名唐宋之問詩有地偏多育蠱風惡如間鯨之句

鷄冠灣 在城西兩峰多鷄冠木水勢深洄魚多聚此

大紺山 東安縣北世傳昔有神仙煉藥於此樵者深入其中或見池邊茅屋碧桃垂實宛然人居倏忽不知所在

鐵山 縣東北產鐵鑛剖之有竹箭樹葉之形舊常置爐於此九星巖 縣北群峰森列西南一峰有石室高八九丈寬可容數十人一石有竅吹之聲振山谷相傳猺蠻吹以號眾者

浮雲山 縣西南危峰突起峰頂常有白雲相傳陳伯先曾居此上有林泉巖石之勝亦名雲霧山

古蓬山 縣西北一名古蓬洞猺人所居在州界者凡九十四此其一也唐宋之問詩云越嶺千重台蠻溪十里斜竹迷樵

廣東攷古輯要

卷八

山川

二十一

子徑萍匝釣人家林暗交楓葉門香覆橘花誰憐在荒外孤賞足雲霞

書山 縣東鄉人嚴穆勣書齋其上子孫皆至仕宦故名

龍巖 縣西北內有清泉源出粵西萬山中水道蜿蜒至龍喉吐出未有盤古廟遺跡尚存

大牛石 城西北峭壁如削中有巖竅呼之響答如人應聲

龍頭潭 在大紺山之上懸流如瀑布

錦石山 西甯縣東北上有石柱高插雲表名華表石又名羅錦石明鄭人遠有詩

馬鞍山 縣西勢甚雄峙山頭一尖峰峻削拔天

文昌水 城東一里卽古羅水隋置羅陽縣以此名明戈息舟入羅旁詩瀧江環帶水曲折一舟行鳥道沙沿岸寒山樹繞

城東風楊柳色殘照鷓鴣聲儼有桃源趣蕭蕭野興生  
熱水池 城西南松水坪熱如沸鼎人不敢濯

南雄州

楊厯巖 州西北山頂方廣百餘丈前後皆竒峯怪石飛泉瀉  
空相傳漢樓船將軍楊僕經此因名明黃佐有詩

青嶂山 在州境翠阜屹立松檜陰翳有神仙隱几一鍋似玉  
者舊傳有石鍋龍王居此歲旱禱雨有應

天峰山 州境山形陡峻高插霄漢山半有洞曰真仙巖唐李  
衛公謫處訪至其地優游偃息數月而去蘇文忠公聞名至  
止顏其穴曰石髓橫闕字跡宛然見宋李儀天峰山記

龜湖山 州東南上有滴水瀦爲小湖舊云有二龜游詠其中  
故名

廣東攷古輯要

卷八

山川

二十二

大庾嶺 城北南康記秦始皇畧定揚越謫戍五方南守五嶺  
第一塞上嶺卽南康大庾嶺李吉甫云漢伐南越有監軍庾  
姓城於此地眾軍皆受庾節度故名大庾一名東嶠山水經  
注漣水出南康縣涼熱山漣谿山卽大庾嶺五嶺之最東故  
曰東嶠山嶺上多梅亦曰梅嶺或謂以梅唐張九齡奉詔開  
鑿至嘉祐中造碑甃砌成路九齡有序並有詩宋之間張說  
及宋李昉英陳與文戴復古俱有詩按五嶺謂大庾始安臨  
賀桂陽楊陽見裴淵廣

州

放鉢石 在大庾嶺雲封寺側相傳六祖得衣鉢南來慧明追  
至祖擲衣鉢石上明舉之不動宋章象有詩

二仙壇 在大庾嶺踞山巔輿地紀勝云舊傳劉許二仙烹鍊  
於此今有仙茅惟近壇者妙

仙女巖 城東北杉檜森翳泉石潺湲中有二仙像相傳秦時  
有二女子於此得道飛仙

姮娥嶂 在大庾嶺之東相傳爲葛洪煉丹地

羅漢巖 州東巖洞深廣中有六泉名羅漢井梁天監中有羅  
漢現像踰旬不見

油山 州東唐開元有僧潤澤以手指書石壁曰油山淨明院  
其山不知何年開擴也至今字跡宛然

橫浦水 州境史記南越列傳漢元鼎五年主爵都尉楊僕爲  
樓船將軍出豫章下橫浦卽此一名樓船水又名凌江水輿  
地紀勝宋天禧時有凌皓知保昌縣興水利建陂其間農人  
感之因號凌江

卓錫泉 在雲封寺東一名霹靂泉相傳六祖過此渴甚以杖

廣東攷古輯要

卷八

山川

二十三

點石遂湧清泉宋張士遜有詩

福民泉 在雲封寺南明宣德七年巡按御史所鑿行旅便之  
丹鳳山 始興縣北梁天監中有九鳳飛一鳳翔此因名

機山 縣南一名玲瓏巖石峰平地拔立有石室虛曠葛仙常  
煉丹於此盛宏之荊州記云機山東有兩巖相向如鴟尾石  
室數十所過皆聞金石絲竹之聲明江樸有記宋蘇軾明王  
寺仁有記

九鳳山 縣西一名天柱峰梁天監中九鳳翔集峯上傳大士  
講經於下

桂山 縣西南陵阜屈曲桂木叢發人多取以爲藥

夫靈山 縣境南越志山上有湖冬夏常盈每甲戌日卽聞歌  
管鼙鼓之聲

朔水 縣東月朔卽漲晦卽減因名

鳳片泉 縣東梁天監中鳳凰嘗集於此

洗鉢泉 縣東北連石寺舊云梁傅大士濯足洗鉢於此

嘉應州

梅峰 州西明孝子溫禧居其麓遍植梅花因名一名馬蹄峰

東巖 州東宋藍奎讀書巖中洞有水簾又有石鼓擊之有聲

亦名石鼓巖

西巖 州西中有蘭若曰靈境依山爲宇景德傳狀宋大慧禪

師居此又其西有羅漢觀音蛇山三巖宋劉安世嘗過此有

題

相公坪 州西北唐丞相張九齡微時曾過憇於此因名

仙花嶂 州境花開如蓬大約丈餘其色白則人安紅則人災

廣東攷古輯要 卷八

山川

二十四

見潛確類書

南田石洞 州西北有奇葩異果人不知名採山者間遇之其

美可茹悞歸則往往路迷有幽人於此仙去郡之名士古姓

詩二仙客有靈千古在洞門無鑰四時開見輿地紀勝

陰那山 州東南接大浦縣界形如仙掌明王守仁遊此有詩

王壽山 州東北形如殿閣上有仙牛嶺相傳羽客王敬修煉

於此宋蔡蒙吉詩王壽山頭石逕斜不知何處有仙家烟霞

踏編芒鞋破一路春鳩啼落花

程江 州西輿地紀勝江因程旼而名邦人仰程之風故名其

所生之鄉曰義化所住之里曰程源所憇之橋曰程橋於此

江亦云程江

百花洲 州南介兩水之間識云百花洲尾齊州前此地出狀



元見輿地紀勝

蓬萊灘 州境濤浪洶險聲聞數里一名曬甲溪昔韓京帥師平寇至此舟候中石磴甲盡沉京怒期次日擊石磴甲盡浮水上故名

曾井 城西一里輿地紀勝云曾姓者所鑿泉甘而冷苦瘡癩人一飲疾卽去一說南漢曾芳令是邑以藥置井中病者飲之卽愈故以名井

六目龜池 城西南宋嘉熙中有龜六目出沒其間故名  
羅嶺 興甯縣南羅孟郊家於此

神光山 縣西南邑人羅孟郊讀書山下嘗見異光

和山 縣東北狀若旋螺旁有麻石巖爲邑勝境明王天與有和山麻石巖記

廣東攷古輯要

卷八

山川

二十五

丞相嶺 城西寰宇記云循廣二州分水嶺也唐大曆中宰相常袞除潮州途經此嶺土人因以爲名

龍歸洞 縣北昔有龍歸於此下有龍潭歲旱民燒鐵符沈以激之輒得洪水

寶山 縣東北相傳元末陳友定採礦於此旁有黃牛嶺宋李綱徙萬安道常出此有詩云深入尋梅瘴癘鄉是也

大望山 縣東北層巒疊嶺茂林叢棘舊爲賊巢明正德間都御史周南破之其山赭一名大帽山

曾子湖 在神光山下羅孟郊於此取魚餉母因名  
蚌湖 縣東北中有老蚌大數尺嘗夜吐光互數里

洗硯池 在翰林堂之旁其泉清冷羅孟郊滌硯於此

五華山 長樂縣城西北下有尉佗臺漢高祖遣陸賈封趙佗

爲南越王築臺於此名長樂臺久廢

錫坪山 縣西南南近琴口產錫

塔岡 縣南宋時建浮屠於其上故名

魚王石 縣西舊傳四月八日魚聚其下

金魚嶺 縣西霪雨水溢岡阜皆沒獨此嶺形如雙魚鬚鬣騰

躍於巨浸中

米潭 縣西南旁多石舊傳石中出米故名

鷓鴣山 平遠縣南明嘉靖末頂山忽作炊爨聲響振林木鷓鴣山忽作鵝聲應之未幾賊亂邑里殘破

梯雲嶺 縣東南兩山夾峙中通徑路雲級峻峭若梯階然

頂山 縣北山多白雲天霽不散產葛土人織以爲布

三段嶺 縣東南崇岡巍嶂夾路崎嶇歷涉凡紆迴三折故名

廣東攷古輯要

卷八

山川

二十六

卓筆山 縣東南下有鐵礦又鐵礦山亦產鐵有爐

翀天鳳山 一鎮平縣西南山勢高聳望之如鳳翀天

游曦巖 縣東南上有石鼓石鐘石盂仙人履跡

四姑嶂 縣南以四峰突立得名嶂之麓有石室寬約三丈旁

有石扉里人傳聞有四女往來於是構菴塑像祀之

長潭 縣西北其水四時常綠深不可測上有仙人橋跡

欽州

三山 州南三峰峙立出眾山之表中多孔雀一名孔雀山宋守陶弼建三山亭其上

釣石 州城外天妃廟前江中宋知州陶弼嘗釣於其上又有吟石在東門外江中有石窟爲弼吟詩處又有醉石在振民場下江中弼每酌酒於其上

大墓山 州東相傳唐諫議大夫甯悌原墓在此故名

銅魚山 州西北輿地紀勝云相傳山下有巨石岐隄下鑿大

銅魚以為水竇因名一名古竇山

羅浮山 州西北元和志相傳似循州羅浮山因名

分茅嶺 州西南與交阯分界山頂生茅草頭南北異向相傳

漢馬援征交阯立銅柱其下以表漢界唐胡僧詩云一柱高

標險塞垣南蠻不敢犯中原功成自合分茅土何事翻銜意

茲冤一說唐節度使馬總立銅柱在古森峒即此嶺未知孰

是

欽江 城東江中有沙名鴻飛州上有鴻飛亭明林希元有鴻

飛州詩

龍門江 州南交州記云龍門水深百尋大魚登此化成龍不

廣東攷古輯要

卷八

山川

二十七

得過滕腮點額血流此水恒如丹池即欽州龍門江也

五湖 州城外有東湖西湖南湖北湖中湖宋嘉祐八年置見

輿地紀勝宋守陶弼建五湖亭於此

瀑布灣 州西其瀑自石頂飛激下成深灣歲旱鄉人所於灣

傍以石投之雨立至郡人黃仲詩云飛來瀑布破青山遂作

寒流水一灣民庶只疑投石效豈知龍卧在其間見輿地紀

勝